



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 22. Papa Constantinopoli.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæcul. VIII. *profiteor, me cum toto populo meo hunc*
A. C. 710. *morem semper servaturum, jamque volo*
& jubeo, ut omnes Clerici in Regno meo
Tonsuram Romanorum modo gerant. Il-
lico istud Decretum executioni datum,
& in tota Regione Pictorum ex Regis
mandato Cyclo Paschalis annorum no-
vemdecim, rejecto Cyclo annorum octo-
ginta quatuor, quo prius utebantur, ca-
pitis descriptus.

§. XXII.

Papa Constantinopoli.

Anast. Inter hæc Justinianus Imperator missis
mandatis Constantinum Papam Con-
stantinopolim accivit. Obediit Papa, &
in Portu Romano navem conscendit
quinto Octobr. Indictione nona, id est,
anno 710. duobus Episcopis, Presbyteris
tribus, & quibusdam aliis exiguo nume-
ro Clericis Pontificem comitantibus
Papa absente Joannes cognomento Rizo-
copus, Patricius, & Exarchus, Romanum
contendens, jugulavit Paulum Diaconum
& Vicedominum, Petrum Arcerium,
Sergium Presbyterum & Abbatem,
& Sergium Ordinatorem, & inde Ra-
vennam delatus justo Dei judicio puden-
da morte occubuit. Papa, postquam
Hydrunti hyemem exegisset, Constanti-
nopolim primum & deinde Nicomediam
contigit, quo Imperator Nicæa ad eum
venit.

venit. Die Dominico Papa Missam Sæcul. VIII.
A. C. 709.
celebravit coram Imperatore, cujus manibus S. Communionem accipiens rogavit, ut pro peccatis suis Deum deprecaretur, & omnia Ecclesiæ Privilegia confirmavit, quibus peractis Pontificem dimisit. Quæ hujus itineris causa fuerit non memoratur, sed illud notatu dignissimum, Papam ubique summo honore fuisse exceptum. (*) Romam redux intravit vigesimo quarto Octobr. Indictione

(*) Anastasii Bibliothecarii verba sunt apud Cardinalem Baronium, & Palatium: *Dum vero Hydrunti moras faceret, eo quod hyems erat, illic suscepit Sigillum Imperiale per Theophanium regionarium, continens ita, ut ubicunque denominatus conveniretur Pontifex, omnes Judices ita eum honorifice susciperent, quasi ipsum præsentialiter Imperatorem viderent. Et infra: In die autem qua se vicissim viderunt, Augustus Christianissimus cum regno in capite, se se prostravit, pedes osculans Pontificis. Tam referuntur Verba Anastasii in vita Gregorii II. de causa itineris: Et cum Viro S. Constantino Pontifice ad regiam profectus est urbem, atque a Justiniano Principe inquisitus de quibusdam capitulis optima Responsione unamquamque solvit quæstionem. Addit Palatius; Intelligitur pro decidenda lite Concilii Quini Sexti Roma fuisse in Græciam vocatum Constantinum, eique, respondente Gregorio, cessisse victoriam.*

Sæcul. VIII. ne decima anno 711. postquam annum
A.C. 711. unum in illa profectioe consumpsisset,
 & in diversis locis Episcopos duodecim
 ordinasset.

§. XXIII.

*Justiniani Fata. Philippicus Im-
 perator.*

Post lapsum trium mensium Epistola
 Romam afferuntur, Justiniano occi-
 so, Philippicum ad Imperium fuisse eve-
 ctum. Ingratum omnibus nuncium fuit,
 quod novus Imperator Hæresin foveret.
 S. Niceph. p. Cum barbara sævitia Justinianum cum-
 30. Theopha. ctis invisum reddidisset, exercitus, quem
 an. 6. p. 316. ad obsidendam urbem Chersonam mise-
 rat, inita cum civibus armorum socie-
 tate quemdam Armenum Bardanem no-
 mine, qui ibi in exilio degebat, Impera-
 torem proclamavit, appellavitque Phi-
 lippicum. Eo confestim Constantinopoli
 contendente, Justinianus, qui inde
 se proripuerat, in fuga deprehenditur &
 obruncatur. Philippicus amputatum
 miseri Principis caput in Occidentem &
 usque Romam deferri jussit. Tiberium
 Justiniani filium, qui Constantinopoli
 remanserat, ad Ecclesiam in Blachernis
 profugum una manu sanctæ Mensæ pe-
 pendentibus e collo Reliquiis, duo Pa-
 tricij Maurus & Joannes abstraxerunt;
 quip-